

Նոր շրջափուլի մեկնարկը

Աժ-ում 2017-2022 թթ. կառավարության գործունեության ծրագրի հաստատումից հետո գործադիրի առաջին նիստը գլխավորել է նախագահ Սերժ Սարգսյանը: «Ծրագրի հաստատմանը կարող ենք ազդարարել գործադիր իշխանության նոր շրջափուլի մեկնարկը: Կառավարությունը, վարչապետ Կարեն Կարապետյանի գլխավորությամբ, վայելում է իմ և մեր քաղաքական թիմի լիակատար վստահությունը, և պատրաստ ենք աշխատելու բոլոր կառուցողական ուժերի հետ»,- ասել է նախագահը և վստահեցրել, որ շարունակելու են կուռ ու միասնական թիմով հետևողականորեն իրականացնել կառավարության արդեն նախանշված ծրագրերը:



Արևային համակարգային կայանի կառուցման համար ներդրողներ ներգրավելու նպատակով հայտարարված միջազգային մրցույթին մասնակցելու նախատրակավորման հայտ է ներկայացրել 20 ընկերություն և կոնսորցիում: Նախապատվությունը կտրվի նրան, որը կներկայացնի ցածր և մրցունակ սակագին: Ակնկալվում է, որ արդեն 2018-ի վերջին Գեղարքունիքի մարզի

N 25 (673)
30-06-6.07 2017
ISSN 1829-149X
9 771829 149003 17025 >



ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅՈՒՆ
MINISTRY OF EMERGENCY SITUATIONS OF RA
МИНИСТЕРСТВО ПО ЧРЕЗВЫЧАЙНЫМ СИТУАЦИЯМ РА

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ՊԱՇՏՈՆԱԹԵՐ

Նախանշված ծրագրեր

ԱՐԵՎԻ ՈՒԺՈՎ

Արևային համակարգային կայանի կառուցման համար ներդրողներ ներգրավելու նպատակով հայտարարված միջազգային մրցույթին մասնակցելու նախատրակավորման հայտ է ներկայացրել 20 ընկերություն և կոնսորցիում: Նախապատվությունը կտրվի նրան, որը կներկայացնի ցածր և մրցունակ սակագին: Ակնկալվում է, որ արդեն 2018-ի վերջին Գեղարքունիքի մարզի

Մասրիկ գյուղի մոտ շահագործման կհանձնվի 55 մզվտ հզորությամբ առաջին արևային կայանը: Կառավարությունը մտադիր է ևս հինգ տեղանքներում կառուցել մինչ 110 մզվտ հզորությամբ կայաններ: Կառավարության հավանությանն է արժանացել նաև «Քամբակ» ծրագիրը, որով նախատեսվում է Արմավիրի մարզում բամբակի մշակություն սկսել: Ըստ ներդրողների՝ բացվելու

է 15 հազար աշխատատեղ, հնարավոր կլինի զարկ տալ թեթև արդյունաբերությանը, սկսել մսի ու կաթի արտադրություն: 2000 հա հատկացված է բամբակի մշակության, 200 հա՝ վերամշակման գործարանի կառուցման համար: Ծրագրի մեկնարկին Չինաստանից, Տաիվանից ու Ղազախստանից մոտ 150 մասնագետ է ներգրավվելու բամբակի մշակության գործում:



Կարևոր

ՄԱՅԻՍԻ ԱՐՏԱԿԱՐԳ ԴԵՊԵՐԸ



Էջ 3

ԿԱՊԱՆԻՑ ԵՐԵՎԱՆ՝ 40 ԲՈՊԵՌՈՒՄ



Էջ 4

ՄԱՍԻՍԻ ԳՓԳ-Ի ՓՈԽՅՐԱՄԱՆԱՏԱՐԸ



Էջ 5

ԱՆԽՏՐԱԿԱՆ



Էջ 6

Հայաստան ՏԻԵԳԵՐԱՅԻՆ ԶՐԻ ՍԵՐՍ


Շոգ է, արևը չորացնում է ամեն ինչ, լեռ ու սար դարձնում շեկ անապատ, կյանքը՝ վայրի ծիրանի դառնահամ կորիզ: Ու ամեն քայլափոխի ջուր ես փնտրում, զովանալու ու նորից կյանքով լցվելու համար: Երբ Ալ. Թամանյանը նախագծում էր Երևանը, Արարատյան փոքրիկ քաղաքը խմելու ջուր չուներ: Հին Երիվանի փողոցներում կծերով ջուր ծախող տղաներից էր առնում ջուրը, որը բերում էին հեռուներից: Եվ... նախագծում երևացին կապույտ՝ ջուր խորհրդանշող կետեր: Երևանը վերաշինող Թամանյանը պետք է վաներ շոգը քաղաքից, որ ուղտի նման ամեն ամառ չորում էր ամեն բակում և շիկացնում ամեն ինչ: 1953-ին Երևանի գլխավոր իրապարակում հայտնվեց մեծաշատրվան ջրավազանը՝ 7 ցայտաղբյուրներով: Երևանյան ամառը զովացնող, երգող ջրավազանն իրեն է ձգում բոլոր բոլորին: Արտակարգ շոգ է Երևանում, աս-

պատակում է քաղաքը արաբական անապատների տաք հոսանքը: Եվ իսկական փրկություն են ցայտաղբյուրները, որոնք, ի դեպ, մոտ 600-ն են: Երբ մեր երկրում նոր էր ձևավորվում արտակարգ իրավիճակների վարչությունը, առաջարկ եղավ ընդլայնել, պահել ու պահպանել արտակարգ իրավիճակային նշանակության մեր ցայտաղբյուրները: Մե՛ր սառնորակ ցայտաղբյուրները, որ խենթացնում են զբոսաշրջիկներին: Կեչառիսում շոգին ցայտաղբյուրի մոտ նստած սիրառատ դեմքով մի տիկին ջանադրաբար բացատրում էր իրեն ուղեկցողներին, որ «պուլպուլակ», «ցայտաղբյուր» բառերը չեն թարգմանվում ոչ մի լեզվով, ու պնդում էր, որ պուլպուլակը զուտ հայերեն բառ է: Անցողիկներն էլ լսում ու հավանություն էին տալիս կնոջ զով խոսքին: Բակում ցայտաղբյուրի հայտնվելն անպայմանորեն կապված է

նշանավոր իրադարձության հետ: Սովորաբար այն կառուցում են, երբ մարդը մահանում է, կամ լույս աշխարհ է գալիս նոր մարդ: Կյանքն ու մահն է խորհրդանշում, նորն ու հինը, սկիզբն ու ավարտը: Եվ ցայտաղբյուրից ջուր ընկնալիս խոնարհվում ենք, ակամա հարգանքի տուրք մատուցում զով ջրին և այն ի նպատակ պուլ-պուլ ջրակից բխեցնողին: Մենք ջրածին ենք, մեր էպոսի հերոսների նման, դրա համար էլ մեր երակներում զով արյուն է հոսում: Սաստիկ շոգ է, բայց կարծես չենք շոգում: Ու դեռ շոգ կապույտում երկրպագում ենք Արևին, ջուր պարզևող վիշապ քարերին: Իտալացիները զովանում են շատրվաններում, ամերիկացիները... սուպերմարկետներում: Մեզ ոչ միայն զովացնում է մեր ցայտաղբյուրը, այլև մի փոքր ավելին... մեր ջուրը խինդ ու ծիծաղ է բերում, հայրենյաց կարոտ ու բխում է միշտ խորհրդավոր յոթ աղբյուրներից:

Մեր երկիրը, մեր քաղաքը զով է դառնում ոչ միայն սառն աղբյուրներից, այլև կանաչապատ տարածքներից: Գեղեցիկ սովորույթ է դառնում պուրակներն ու զբոսայգիներն ու ավտոճանապարհներն ու առանձնատները զարդարվում են զունագեղ եղևնիներով, տուամերով: Ու դրանով ավելի է զովանում շոգ ամառը. բարձրաբերձ եղևնին հյուսիսային սառնաշունչ տրամադրություն է ներշնչում, երկնապայծառ մերձարևադարձային ծովային քամի ու խոնավություն: Լողափնյա սեզոնը բացվեց, Սևանը հյուրընկալ է դարձել. ափերին քարե սրտիկներ՝ որջա՛ն ու զես: Թե գտնեք, նետեք ծովը, որպես տիեզերային ջրի սերմ: Կնույնանաք էպոսի մեր հերոսներին... Ու կվանեք շոգը ձեր մարմնից, ձեր քաղաքից... Շոգեր սպասվում են նաև հուլիսին:

Գագիկ ԵՂՅԱՆ



Նախարար Դավիթ Տոնոյանը ընդունել է Հայաստանում 102-րդ ռուսական ռազմաբազայի հրամանատար, գեներալ-մայոր Վլադիմիր Ելկանովին և ՀՀ ԶՈՒ և ՌԴ ԶՈՒ զորքերի միացյալ խմբավորման հրամանատար, գեներալ-մայոր Անդրանիկ Մակարյանին: Կողմերը նախնական պայմանավորվածություն են ձեռք բերել «Արտակարգ իրավիճակների կանխարգելման և չեզոքացման» համատեղ պլանի կազմման վերաբերյալ:

ՎԱՍՆ ՏԱԿՈՒՇԻ ԴԻՄԱԿԱՅՈՒՆՈՒԹՅԱՆ

ՀՀ արտակարգ իրավիճակների նախարարությունը, Հայկական Կարմիր խաչի ընկերությունը ու Կարմիր խաչի միջազգային կոմիտեն համաձայնագիր են ստորագրել Տավուշի մարզում քաղաքացիական պաշտպանության փրկարարական ծառայության կարողությունների զարգացման ոլորտում 2017-2018 թվականների համագործակցության վերաբերյալ: Համաձայնագիրը ստորագրել են ԱԻ նախարար Դավիթ Տոնոյանը, Հայաստանում Կարմիր խաչի միջազգային կոմիտեի պատվիրակության ղեկավար Կարոլին Դուլզը, Հայկական Կարմիր խաչի ընկերության նախագահ Մխիթար Մնացականյանը: Ծրագրի նպատակն է բարձրացնել սահմանամերձ համայնքների բնակչության պաշտպանությունը ու պատրաստվածությունը: Նախատեսվում է Տավուշի մարզի սահմանամերձ համայնքներում գործող ԱԻ քաղաքացիական պաշտպանության հենակետերում, համայնքների մանկապարտեզներում և դպրոցներում կազմակերպել առաջին բուժօգնության, աղետների ժամանակ վարքակառուցողական, միջազգային մարդասիրական իրավունքի վերաբերյալ դասընթացներ: «Սահմանամերձ համայնքներում բնակչության պաշտպանությունն ու պատրաստվածությունը յուրահատկություններ ունեցող ոլորտ է, և շատ կարևոր է, որ պետք է բնակիչները պատրաստված լինեն տարատեսակ արտակարգ իրավիճակներին արձագանքելուն: Սա իրական աջակցություն է համայնքներին, վերջիններիս դիմակայության բարձրացման հարցում», - համաձայնագիրը ստորագրելիս ասել է ՀՀ ԱԻ նախարար Դավիթ Տոնոյանը:



ՀՀ կառավարությունը հունիսի 29-ին հաստատել է «Հայաստանի Հանրապետության քաղաքացիական պաշտպանության համակարգի 2017-2021 թվականների» և «Հայաստանի Հանրապետության սեյսմիկ անվտանգության համակարգի զարգացման հայեցակարգով նախատեսված սեյսմիկ ռիսկի նվազեցման 2017-2021 թվականների» միջոցառումների ծրագրերը, որոնք մշակել է արտակարգ իրավիճակների նախարարությունը: Առաջին ծրագրով սահմանված է 14, երկրորդով՝ 7 կետ: Մասնավորաբար. «Քաղաքացիական պաշտպանության մասին», «Տեղական ինքնակառավարման մասին» օրենքներում


ԵՐԿՈՒ ԾՐԱԳԻՐ 2017-2021 ՀԱՏՎԱԾԻ ՀԱՄԱՐ

ռավարման մասին» օրենքներում փոփոխությունների և լրացումների փաթեթի մշակում, քաղաքացիական պաշտպանության կազմակերպությունների ցանկի նախագծի մշակում՝ ըստ վտանգավորության աստիճանի, պահեստային կառավարման կետերի ուսումնասիրություններ և վիճակի բխող առաջարկությունների մշակում, Հայաստանի սահմանամերձ բնակավայրերի ուսումնասիրություն՝ քաղաքացիական պաշտպանության ստորաբաժանումների ստեղծման նպատակով, քաղաքացիական պաշտպանության միջազգային օրվան մարտի մեկին նվիրված միջոցառումների (դասախոսություններ, սեմինարներ, վարժանքներ) անցկացում ուսումնական հաստատություններում, «Հայաստանի Հանրապետությունում սեյսմիկ ռիսկի գնահատման ռազմավարության» նախագծի մշակում, «Արտաշատ քաղաքի բազմաբնակարան բնակելի շենքերի սեյսմիկ խոցելիության գնահատման պիլոտային ծրագրի» նախագծի մշակում, Հայաստանի բնակչության տարբեր խմբերի և կառավարման մարմինների նախապատրաստման համար ուժեղ երկրաշարժի վերաբերյալ բազմակողմանի ուսուցողական ծրագրերի մշակում, Հայաստանի պետական հատուկ ջրամբարների պատվարների սեյսմիկ խոցելիության գնահատման ծրագրի մշակում և այլն: ԱԻ-ում վստահ են, որ այս ծրագրերի իրականացման արդյունքում կարգավորվելու են տարածքային պաշտպանության կազմակերպման, իրականացման և տարածքային պաշտպանության այլ պետական մարմինների ուժեղների հարաբերությունները, հստակեցվելու են քաղաքացիական պաշտպանության բնագավառում և տեղական ինքնակառավարման մարմինների ու կազմակերպությունների գործառնությունները քաղաքացիական պաշտպանության բնագավառում, զգալիորեն բարձրանալու է հանրապետության սեյսմիկ պաշտպանվածության մակարդակը:

Հրդեհների բաշխումը խմբերով և տեսակներով, նրանց մասնության ու տարբերության հատկանիշներով կոչվում է դասակարգում:

ՀՐԸԵԶ-ՓՐԿԱՐԱՐԱԿԱՆ ՊԱՇՏՊԱՆՈՒԹՅՈՒՆ

Հրդեհների խմբեր, դասեր, տեսակներ



Դասակարգումը արհեստական է, եթե այն հրդեհները միավորում է արտաքին (պատահական) հատկանիշներով, և բնական է, եթե հրդեհների խմբավորումը հիմնված է դրանց ներքին օբյեկտիվ կապերի և զարգացման ընդհանուր նշանների վրա: Հրդեհների բնական դասակարգումը համարվում է գիտական, այն թույլ է տալիս կանխորոշել տարբեր տեսակի հրդեհների մարման մարտավարության օրինաչափություններ:

Հրդեհները կարող են դասակարգվել ըստ տարբեր հատկանիշների: Դասակարգմանը ներկայացվող հիմնական պահանջն է. հրդեհների խմբերը, դասերը, տեսակներն ու տարատեսակները պետք է կանխորոշեն այրման դադարեցման միջոցները, հնարքներն ու կիրառվող կրակմարող նյութերը, ստորաբաժանումների գործողությունների ուղղությունը և հաջորդականությունը, ուժերի և միջոցների բաշխումը և այլն:

Հրդեհների դասակարգման նշանները լինում են ընդհանուր և մասնավոր: Ընդհանուր նշաններ. հատուկ են բոլոր հրդեհներին. այրվող նյութերի ֆիզիկա-քիմիական հատկություններ, կրակի տարածման արագություն, հրդեհների տևողություն, հրդեհների վայր և այլն: Հրդեհները բաժանվում են երկու խմբի՝ բաց և փակ տարածքներում:

Ըստ դասերի
A դասի հրդեհներ. այրվող պինդ նյութեր: Եթե այրվում են միացող նյութեր՝ փայտ, թուղթ, տեքստիլ իրեր և այլն, ապա՝ A1 ենթադաս, իսկ նյութերը, որոնք չեն ծխում, օրինակ, պլաստմասե իրեր՝ A2 ենթադաս:
B դասի հրդեհներ. դյուրավառ և այրվող հեղուկներ: Եթե այրվում է ջրում չլուծվող հեղուկ (բենզին, դիզելային, սալօք և այլն)՝ B1 ենթադաս, ջրում լուծվող հեղուկներ (օրինակ՝ սպիրտներ)՝ B2 ենթադաս:
C դասի հրդեհներ. գազեր (պրոպան և այլն):
D դասի հրդեհներ. վառվող մետաղներ: Եթե այրվում է բթև մետաղ (ալյումին, մագնեզիում, դրանց համաձուլվածքներ և այլն)՝ D1 ենթադաս, այլ մետաղներ (նատրիում, կալիում)՝ D2 ենթադաս, մետաղաօրգանական միացությունների հրդեհներ՝ D3 ենթադաս:

E դասի հրդեհներ. Լարման տակ աշխատող էլեկտրական սարքավորումներ:
F դասի հրդեհներ. ռադիոակտիվ նյութեր և թափոններ: **Ավագ ՍԻՄՈՆՅԱՆ**
Ճգնաժամային կառավարման պետական ակադեմիայի դասախոս



Ուսումնակարծություն՝ մետրոպոլիտենում

Հունիսի 30-ին, ժամը 22:00-ին, Երևանի մետրոպոլիտենի «Հանրապետության հրապարակ» կայարանում կանցկացվի ուսումնակարծանք «Հրդեհաշիջում և փրկարարական աշխատանքներ» թեմայով: Փրկարարներից բացի կմասնակցեն նաև մետրոյի աշխատակիցները, շտաբօգնության, «Վեդլիաջուր», «Երևանգազ» և «Էլ.ցանց» ընկերություններից մեկական վարային խմբեր:

ՄԱՅԻՍԻ ԱՐՏԱԿԱՐԳ ԴԵՊՔԵՐԸ

ՀՀ ԱԻՆ փրկարար ծառայության ճգնաժամային կառավարման ազգային կենտրոնն ամփոփել է այս տարվա մայիս ամսվա ընթացքում հանրապետությունում գրանցված արտակարգ դեպքերի ու պատահարների վիճակագրությունը:



Փրկարար ծառայության ստորաբաժանումները մայիս ամսին իրականացրել են 1441 ելք՝ 67-ով պակաս, քան 2016-ի մայիսին: 430 ելքով փրկարարներն արձագանքել են արտակարգ դեպքերի, 680՝ կենցաղային կանչ, 79 կեղծ ահազանգ, 252 այլ դեպք: Ամենաշատ դեպքեր գրանցվել են մայրաքաղաքում՝ 540, ամենաքիչը՝ Տավուշում՝ 18 դեպք: Արտակարգ դեպքերից զոհվել է 19 մարդ (այդ թվում՝ 3 կին, 1 երեխա), տուժել՝ 858 մարդ (այդ թվում՝ 248 կին և 132 երեխա): Փրկարարները փրկել են 19 մարդու (2016-ի մայիսին՝ 13 մարդու), բուլդոզեր ճանապարհատրանսպորտային պատահարներից: Արտակարգ դեպքերի մեծ մասը՝ 508, տեխնիկայի են: Եղել են նաև 33 տարերային, 428 սոցիալ-կենսաբանական դեպքեր:

զանգ), հրդեհ է գրանցվել 184 դեպքում (2016 թվականի մայիսին՝ 168 դեպք): Նախորդ տարվա նույն ժամանակահատվածի համեմատ հրդեհների քանակն աճել է 16-ով կամ 9,5 տոկոսով: 53 դեպքում գրանցվել է կեղծ ահազանգ: Հրդեհներից զոհվել է մեկ, տուժել՝ 5 մարդ (2016-ի մայիսին՝ 2 զոհ, 3 տուժած): Նյութական վնասի չափը՝ 44,9 մլն դրամ՝ 7 մլնով ավելի, քան 2016-ի մայիսին: Երևանում հրդեհները պատճառել են 14,1 մլն դրամի վնաս: Մարզերից ամենաշատը տուժել է Կոտայքը՝ 18,55 մլն, ամենաքիչը՝ Գեղարքունիքը, Արագածոտնը, Վայոց ձորը՝ մոտ 100-հազարական դրամ: Սյունիքում և Տավուշում՝ 100 հազարից էլ քիչ: Ամենաշատ հրդեհներ գրանցվել են բնակելի շինություններում՝ 53 դեպք: Բացի սրանից, կրակի բաժին են դարձել տրանսպորտային միջոցների՝ 25 դեպք, կրպակ-տնակ-ավ-

տոտնակ՝ 12, բուսածածկ տարածք՝ 12, աղբ՝ 47 դեպք և այլն: 184 հրդեհից 144-ը գրանցվել է քաղաքներում, 40 հրդեհը՝ գյուղերում: Թե գյուղերի, թե քաղաքների հրդեհների քանակն աճել է: Երևանում գրանցվել է 106 հրդեհ: Մարզերի քաղաքներից ամենաշատ հրդեհներ գրանցվել են Լոռիում՝ 10 դեպք, ամենաքիչը՝ Արարատի, Վայոց ձորի, Սյունիքի քաղաքներում՝ 2-ական: Գեղարքունիքի և Տավուշի քաղաքներում հրդեհ չի եղել: Գյուղերի հրդեհների մեծ մասը գրանցվել է Կոտայքում՝ 10 դեպք, ամենաքիչը՝ Սյունիքի, Գեղարքունիքի, Տավուշի գյուղերում՝ 1-ական:

ված ճՏՊ-ների թվաքանակն աճել է հինգով: Այս պատահարներից զոհվել է 15, տուժել՝ 420 մարդ: 2016-ի մայիսի համեմատությամբ տուժածների թվաքանակն աճել է 36-ով, զոհվածներինը՝ նվազել 13-ով: ճՏՊ-ների մեծ մասը՝ 136, բախումներն են: 84 դեպք վրաերթ, 34 դեպք՝ տրանսպորտային միջոցների շրջում, 38 դեպք՝ այլ բնույթի ճՏՊ: Ամենաշատ ճՏՊ գրանցվել է Երևանում՝ 133, ամենաքիչը՝ Լոռի, Վայոց ձոր՝ 8-ական:

դեպքի պատճառները պարզված չեն: Ամենաշատ փլուզում գրանցվել է Երևանում՝ 7: Վայոց ձորում՝ 3, Արագածոտն, Արմավիր, Արարատ, Գեղարքունիք, Լոռի՝ մեկական, Կոտայք, Տավուշ, Շիրակ, Սյունիք՝ 0:

Թունավորումներ

Հաշվետու ժամանակահատվածում գրանցվել է 404 թունավորում, զոհվել է 2, տուժել՝ 428 մարդ: 2016-ի մայիսի համեմատությամբ աճել է թե դեպքերի, թե զոհերի, թե տուժածների քանակը: Ամենաշատ դեպքեր գրանցվել են մայրաքաղաքում՝ 269: Մարզերից ամենաշատը՝ Արմավիրում՝ 39, ամենաքիչը՝ Սյունիքում՝ 2 և Վայոց ձորում՝ 1 դեպք: Թունավորումների պատճառներն են. ալկոհոլ՝ 121, դեղորայք՝ 89, քիմիական նյութեր՝ 75, սննդամթերք՝ 22, շմուլ գազ՝ 14, սուղուներեղի և միջատների խայթոցներ՝ 78 և այլն:

Այլ դեպքեր

2017-ի մայիսին գրանցվել է 4 պայթյուն, մայրուղային խողովակաշարի 8 վթար, 2 հեղեղում, 1 սեյսմա, 3 քարաթափում, 2 սողանք, 3 ուժեղ քամի, 7 կարկուտ, վայրի կենդանիների 4 հարձակում և այլն:

Հրապարակման պատրաստեց Արամ ԶԱՔԱՐՅԱՆԸ

Հրդեհներ

Գրանցվել է հրդեհների առաջացման վերաբերյալ 298 ահազանգ (2016-ի մայիսին՝ 257 ահա-

Ճանապարհատրանսպորտային պատահար՝ ճՏՊ

Գրանցվել է 292 ճՏՊ, որից 133-ը՝ մայրաքաղաքում: Նախորդ տարվա նույն ժամանակահատվածի համեմատությամբ գրանց-

ԱՄԱՌԱՅԻՆ ԿՏԱՆԳՆԵՐ


Հրդեհների դեմ ռայթարդ սուկ հրշեջների գործը չէ



- Նետել այրվող լուցկի, չմարված ծխախոտի մնացորդ:
- Որսի համար օգտագործել դյուրավառ և մարմող նյութերից փամփուշտի խիցեր:
- Ավտոմեքենաները լիցքավորել վառելիքով՝ առանց շարժիչն անջատելու:
- Շահագործել անսարք սնուցման համակարգով մեքենաներ:
- Ծխել և օգտվել բաց կրակից՝ վառելիքով լիցքավորված մեքենաների շրջակայքում:
- Կատարել չոր խոտի, խոզանի այրում (բացի վերահսկելի այրումներից, որոնք իրականացվում են սահմանված կարգով, որոշակի ժամանակահատվածներում՝ տեղական իշխանությունների թույլտվությամբ):
- Արևով լուսավորվող բացատներում թողնել շշեր, ապակու կտորներ, քանի որ դրանք կարող են ֆոկուսացնել ճառագայթներն ու աշխատել որպես հրկիզող լինգաներ:
- Թողնել (թափել) քսայուղով, բենզինով, կերոսինով և այլ դյուրավառ հեղուկներով ներծծված

լաթեր (բացի հատուկ հատկացված տեղերից) և այլն: Ամսառային հրդեհի փոքր օջախի հայտնաբերման դեպքում պետք է փորձել հանգցնել այն: Կարելի է օգտագործել սաղարթավոր ծառերի տեսակների կամ մատղաշ ծառերի ճյուղերի կապուկ, թաց հագուստ, ամուր կտոր: Կրակի եզրաշերտին կողքից՝ հրդեհի օջախի կողմը սահող հարվածներ հասցնել, ասես ավելիով, սրբելով կրակը: Երուղերը, կտորը յուրաքանչյուր հարվածից հետո շրջել, որպեսզի դրանք այդ ձևով սառչեն ու չայրվեն: Ոչ մեծ կրակը կարելի է տրորել ուղեբերով, չթողնելով, որ այն տարածվի դեպի ծառերի բներն ու սաղարթները: Նախ հաստատ համոզվել, որ կրակը մարել է ու էլ չի բորբոքվի, նոր միայն հեռանալ: Ամսառային հրդեհի գոտում հայտնվելիս անհրաժեշտ է որոշել քանու ու կրակի տարածման ուղիները, շարժվել կրակի տարածմանը զուգահեռ, դեպի անվտանգ տեղ (գետ, առվակ, այլ ջրամբար): Եթե հնարավոր չէ դուրս գալ հր-

ԳՈՐԾԱԿՑՈՒԹՅՈՒՆ



ԱԻ մախարար Դավիթ Տոնոյանն ընդունել է ՀՀ-ում Հինաստանի դեսպան Թիան Էրլունգի և այդ երկրի սեյսմիկ վարչակազմի փոխտնօրեն Ջաո Յախինի գլխավորած պատվիրակությանը: Պայմանավորվածություն ձեռք բերվեց նախկինում ստորագրված փոխըմբռնման հուշագրի շրջանակում կազմել սեյսմիկ ոլորտում համագործակցության ընդհանուր ծրագիր, որը ներառելու է երկրաշարժերի կանխատեսման և սեյսմիկ մոնիթորինգի կազմակերպման ոլորտներում չինական փորձի ուսումնասիրություն, սեյսմիկ պաշտպանության ծառայության ազգային դիտարկման արդիականացում և տեխնիկական օժանդակություն, շենքերի և շինությունների սեյսմիկ խոցելիության գնահատման փորձի փոխանակում, մասնագետների վերապատրաստում: Նախնական պայմանավորվածություն է ձեռք բերվել կիրառելու Հինաստանի փորձն արբանյակների օգնությամբ գեոդեզիական ուսումնասիրություններ իրականացնելու համար: Հյուրերն այցելել են ճգնաժամային կառավարման ազգային կենտրոն: Հին սեյսմիկ մասնագետներին ուղեկցել են Սպիտակի տարածաշրջանի Գեղասար գյուղ, որտեղ մինչև այժմ պահպանվում են 1988-ի երկրաշարժից առաջացած մեծ խորությամբ ճեղքերը: Պատվիրակությունն այցելել է նաև Գառնիի երկրաֆիզիկական դիտարան՝ ծանոթանալու տեխնիկական հնարավորություններին և գործունեությանը:

ՀՀ ԱԻՆ պետական հրդեհային և տեխնիկական անվտանգության տեսչություն



ՏՈՊ

Հունիսի 26-ին «Էրեբունի» օդանավակայանում նշվեց ՀՀ ԶՈՒ ավիացիայի կազմավորման 25-ամյակը: Ցուցադրվեցին զինված ուժերի ավիացիոն տեխնիկայի հնարավորությունները: 1992-ի հունվարից նորաստեղծ ՀՀ պաշտպանության նախարարության կազմում ստեղծվել է Ավիացիայի և ՀՕՊ զորքերի համատեղ վարչությունը: Նույն թվին ավիացիայի վարչությունն առանձնացվել է ՀՕՊ վարչությունից:

ԿԱՊԱՆԻՑ ԵՐԵՎԱՆ՝ 40 ԸՈՂԵՌԻՄ

Մեկնարկել են Կապանի օդանավակայանի վերագործարկման աշխատանքները

Սյունիքի մարզկենտրոնի բնակիչներն այսօրվա պես հիշում են, թե ինչպես էին ժամանակին օգտվում Կապանի օդանավակայանից, Երևան հասնում մոտ 1 ժամում: Բայց արդեն 27 տարի է, 320 կմ հեռավորության վրա գտնվող կապանից Երևան հասնելու համար օգտվում են տրանսպորտային այլ միջոցներից և բարդ ու հոգնեցուցիչ ճանապարհը հաղթահարում 5-6 ժամում: «Առաջ «Յակ-40» ինքնաթիռը մի ժամում երևան էր հասցնում, հիմա մարդ է վատանում՝ դե արի ու ժամերով տեղ հասցրու, երբ հինգ ռուպե է կյանքի համար կարևոր է»,- ասաց Կապանի բնակիչ 60-ամյա Արշաճը, որը համոզված է օդանավակայանի վերստին գործարկումը ոչ միայն նման իրավիճակներում փրկություն կլինի բնակիչների համար, այլև մարզի սոցիալ-տնտեսական զարգացմանը նոր տեմպ կհաղորդի: Կապանի օդանավակայանը գործել է մինչև 1990-ականների սկիզբը, սակայն արցախյան պատերազմի տարիներին օդանավակայանի ուղղությանը արձակված կրակոցների հետևանքով՝ անվտանգության նկատառումներով դադարեցվել է դրա շահագործումը: Տեղացիները հիշում են, որ կրակոցներից նույնիսկ վիրավորվել էր ուղևորներից մեկը:



Այսօր արդեն Կապանի օդանավակայանի վերագործարկման հարցը կրկին օրակարգում է: Դեռևս 2014-ին Ստեփանավանի և Կապանի օդանավակայանների վերագործարկման ընդգրկված էր կառավարության իրագործելիք ծրագրերի ցանկում: Վերջերս փոքր քաղաքի ավիացիայի կարևորության է անդրադարձել նաև ՀՀ վարչապետ Կարեն Կարապետյանը: «Պետք է ըստ ուղղությունների ուսումնասիրել առևտրային փոխադրումները, հասարակական տրանսպորտի վիճակը, տվյալ ուղղության ներուժը, սակագնային քաղաքականության հնարավորությունները: Համոզված եմ, որ վաղ թե ուշ փոքր ավիացիան դառնալու է անհրաժեշտություն, և աշխարհագրությունը բավականին մեծ է լինելու: Պետք է պատրաստ լինենք դրան և ունենանք զարգացման տեսլական»,- քաղաքի ավիացիայի գլխավոր վարչություն կատարած այցի ժամանակ ընդգծել էր վարչապետը: Նրա համոզմամբ արդեն օդանավակայանի վերագործարկման ուղղությամբ գործուն աշխատանքներ են տարվում: Օդանավակայանի վիճակը գնահատելու, այն գործարկելի դարձնելու համար 27 տարի անց՝ 2017-ի հունիսի 8-ին, Կապանի օդանավակայան փորձական վայրէջք է կատարել Piper M500 փոքրիկ օդանավը: Վայրէջքին հետևել են Սյունիքի մարզպետ Վահե Հակոբյանը, քաղաքի ավիացիայի վարչության ներկայացուցիչները, ուժային կառույցների պատասխանատուներ: Ի դեպ, մարզպետը նաև օդանավի առաջին ուղևորն էր: Վայրէջքից հետո հայտարարվեց, որ կանոնավոր թռիչքներ կիրականացվեն համալիրի շինաշխատանքների վերջ-

նական ավարտից հետո: Այս պահին իրականացվում են թռիչքադաշտի նորոգման և ուղևորահամալիրի բարելավման աշխատանքներ: Ինչպես փոխանցեցին Սյունիքի մարզպետարանից, նախնական գնահատմամբ, օդանավակայանի համալիրի վերականգնման համար կծախսվի շուրջ 2 մլն դոլար: Ֆինանսավորումն իրականացնում են «Ջանգեզուրի պլանման իրադրման համար» ընկերությունը և «Սյունիքի զարգացման և ներդրման» հիմնադրամը: Բյուջետային միջոցներից գումար չի ծախսվելու:

«Ներկայումս քաղաքի ավիացիայի վարչության գլխավոր մասնագետների հետ մշակվում են թռիչքավայրէջքների սխեմաները, որոնց նպատակն է հնարավորինս նվազեցնել բարդություններն ու ռիսկերը, բացի դրանից, քննարկվում է նաև տարածաշրջանի բնական և արհեստական խոչընդոտների թվային քարտեզի ստեղծման հնարավորությունը, որի առկայության դեպքում օդաչուների համար ավելի ոլորին կլինի օդանավակայանի չվերթեր իրականացնելը: Այս փուլում նախատեսվում է շահագործել մինչև 20-25 տեղանոց օդանավեր, մասնավորապես՝ չեխական L-410 օդանավը: Օդանավերի տոմսերի գները մասին այս պահին ոչինչ չենք կարող ասել, քանի որ գնային քաղաքականությունը որոշելու և կատարելու է ավիափոխադրողը»,- տեղեկացրեց Սյունիքի մարզպետի խորհրդակցական Սահակ Հակոբյանը և ընդգծեց, որ օդանավակայանի գործարկումը ռազմավարական մեծ նշանակություն ունի ինչպես տնտեսական, այնպես էլ զբոսաշրջության առումով և կարող է

լուրջ խթան հանդիսանալ մեր երկրում փոքր ավիացիայով ներքին օդային փոխադրումների կայացման համար: Հաշվի առնելով, որ Կապանը գտնվում է սահմանամերձ և սեյսմավտանգ գոտում (չնոռանա՞նք 1968-ի Քաջարանի ուժեղ երկրաշարժի մասին), մշտապես կարևորվել է Կապանի օդանավակայանի դերը քաղաքաշտպանության արտակարգ իրավիճակներում արագ արձագանքման, հնարավոր հետևանքների կանխման, մարդկային կանոնական կորուստները նվազեցնելու առումով: «Բնականաբար, սահմանամերձ գոտու և Երևանի միջև օդային կապը ռազմավարական լուրջ և տարատեսակ խնդիրների լուծման համար դրական ազդեցություն կունենա, այդ թվում նաև ըստ անհրաժեշտության ավիացիայի գործարկման առումով (սանհիտարական, գյուղատնտեսական, հրդեհաշիջման, բժշկական և այլ թռիչքներ)»,- հավելեց մարզպետի խորհրդակցանը: Նշեց, որ դեռևս 2013-ին օդանավակայանի վերագործարկման ուղղությամբ ուսումնասիրություններ էին իրականացվել, համապատասխան չափագրումներ արվել, կազմվել նախնական հաշվարկներ ուղևորների սպասարկման, թռիչքի իրականացման ծախսերի վերաբերյալ և այլն: Ըստ այդ հաշվարկների այն ժամանակ ընտրված օդանավի ուղեւորների արժեքը մոտ 55-56 հազար դրամ էր, այն մատչելի դարձնելու համար նախատեսվում էր սուբսիդավորման միջոցով արժեքը դարձնել մոտ 15 հազար դրամ:

Քաղաքի ավիացիայի գլխավոր վարչության օդանավակայանների սերտիֆիկացման և օդային երթևեկության կազմակերպման

վարչության պետ Գալուստ Պողոսյանը մեզ հետ զրույցում նշեց, որ իրենց մասնագետների կողմից նոր ուսումնասիրություն արվել է նաև 2017-ի մարտ ամսին: «Կարծում ենք, սակագնի նվազում կլինի կախված ընտրվելիք ավելի նոր, հազեցած օդանավի սպասարկման, վառելքի և պահպանման ծախսի հետ: Հավանաբար ընտրությունը տալ փոքր չափերի օդանավերին, չենք շահագործելու, օրինակ՝ «Բոինգ» տեսակի օդանավ, որովհետև նման ուղևորափոխադրումներ չենք կարող ապահովել, շահագործելը ձեռնտու չէ, բացի դրանից, գործող վազբուղիները դրանց համար նպատակահարմար չեն»,- տեղեկացրեց վարչության պետը՝ մեկ անգամ ևս նշելով, որ ներկայիս բոլոր հաշվարկները դեռ նախնական են, գործընթացը խոր ուսումնասիրության կարիք ունի, վերջնական պատկեր կլինի օդանավի ընտրությունից հետո միայն: Այժմ տարբեր երկրներում արտադրված օդանավերի ուսումնասիրություն է կատարվում գնահատելու օդանավի պահպանման, շահագործման ծախսերը, ինչպես նաև հնարավորությունները Կապանի և Հայաստանի այլ օդանավակայաններ թռիչքներ իրականացնելու ուղղությամբ: Պատասխանատուների խոսքով՝ դեռևս որոշված չէ, թե ինչ հաճախականությամբ են թռիչքներ իրականացվելու, պարզ չէ նաև գիշերային թռիչքներ կլինեն, թե ոչ, որն իր հերթին լրացուցիչ ծախսեր կպահանջի՝ լուսազդանշանային համակարգի օգտագործման և այլ միջոցների կիրառման պատճառով:

Իսկ հարցին, թե Կապանից համարվում է բարդ օդանավակայան, հնարավոր է, որ այդ հանգամանքը խոչընդոտ հանդիսանա վերագործարկման համար, Գալուստ Պողոսյանը պատասխանեց, որ Հայաստանի գրեթե բոլոր օդանավակայաններն էլ համարվում են բարդ, բայց դա խոչընդոտ չէ: «Այժմ միակ բարդությունն այն է, որ օդանավակայանը գտնվում է սահմանին մոտ, բայց ժամանակակից նավթագիտ համակարգերի օգտագործմամբ հնարավոր կլինի ավելի ճշգրիտ սխեմաներ կազմել և շրջանցել սահմանին մոտ լինելու հանգամանքը: Համաձայն կառավարության ծրագրի մենք նախատեսում ենք 2018-ին ունենալ նախադրյալներ փոքր ավիացիայի զարգացման համար»,- ասաց Գալուստ Պողոսյանը և նշեց, որ Կապանի օդանավակայանի վերագործարկման համար, նախնական տվյալներով, վազբուղու մասնակի վերանորոգման դեպքում անհրաժեշտ կլինի մոտ 500 մլն դրամ, իսկ ամբողջական նորոգումն համար՝ 700 մլն:

Պատասխանատուների խոսքով՝ հնարավոր բոլոր միջոցները ձեռնարկվում են, որպեսզի 2018-ին օդանավակայանը պատրաստ լինի շահագործման՝ սահմանված չափանիշներին և չափորոշիչներին համապատասխան: ■

Կենսաբանական անվտանգություն

Եվրամիության «Քիմիական, կենսաբանական, ճառագայթային և միջուկային (ՔԿԵՄ/ԿԵՄ)» գերազանցությունների կենտրոնի» հովանավորությամբ 9 երկրում (Հայաստան, Վրաստան, Ուկրաինա, Մոլդովա, Սերբիա, Մակեդոնիա, Բոսնիա-Ներցոգովինա, Խորվաթիա) իրականացվում է քիմիական, կենսաբանական, ճառագայթային արձագանքման խմբեր ստեղծելու ծրագիր: Նշված երկրներում ստեղծվում են քիմիական, կենսաբանական, ճառագայթային արձագանքման խմբեր, որոնք աշխատելու են սահմանային անցակետերում: Ամեն երկրից վերապատրաստվում է մասնագետների մի խումբ, որն իր երկրում զբաղվելու է տեղացիների վերապատրաստմամբ:

Երկրները նաև գույք են ստանում: Հայաստանից վերապատրաստվել է 9 մասնագետ, որից 6-ը արտակարգ իրավիճակների նախարարությունից: Մենք 230 հազար եվրոյի գույք ենք ստանալու. անհատական պաշտպանության միջոցներ, քիմիական, կենսաբանական, ճառագայթային ազդակների հայտնաբերման սարքեր և այլն:

Հայաստանում քիմիական, կենսաբանական, ճառագայթային արձագանքման խմբերը պետք է աշխատեն Երևանի, Լոռու, Սյունիքի մարզերի սահմանային անցակետերում: Հունիսի 26-30-ը վերապատրաստման դասընթաց էր կազմակերպվել Լոռու մարզում: Ինչպես ասվեց, խմբերում ընդգրկված մասնագետների համար վերապատրաստման դասընթացը վարում էին Եվրոպական Միության «Քիմիական, կենսաբանական, ճառագայթային և միջուկային (ՔԿԵՄ/ԿԵՄ)» գերազանցությունների կենտրոնի» ծրագրով անցած մասնագետները: Դասընթացը երկու փուլով է տեսական և գործնական: Քիմիական, կենսաբանական, ճառագայթային արձագանքման խմբերի անդամները նախ ծանոթանում են գույքին և դրա օգտագործման ձևերին, ապա աշխատում այդ գույքով: Օգոստոսին դասընթաց կկազմակերպվի Երևանի, իսկ հոկտեմբերին՝ Սյունիքի մարզերի քիմիական, կենսաբանական, ճառագայթային արձագանքման խմբերի համար:

ԵՄ ծրագրով նախատեսված են ազգային շտաբային և դաշտային վարժանքներ: Հայաստանն արդեն անցկացրել է նման վարժանքներ: Նաև համատեղ (Հայաստան-Վրաստան, Ուկրաինա-Մոլդովա և այլն) դաշտային վարժանքներ են նախատեսված քիմիական, կենսաբանական, ճառագայթային ռիսկերը պետական սահման չեն ճանաչում, և նման աղետի ժամանակ հարևան երկրները պիտի օգնեն իրար: Հոկտեմբերին կանցկացվի քիմիական, կենսաբանական, ճառագայթային ռիսկերին արձագանքման հայ-վրացական համատեղ վարժանք, որին կմասնակցեն նաև քիմիական, կենսաբանական, ճառագայթային արձագանքման նոր ձևավորված խմբերը: ■

Մերի ՍՈՂՈՍՆՅԱՆ
Կապան-Երևան



«Մոխրե անձրև»

Իսպանական Անդալուզիա համայնքի Մոգեր քաղաքի շրջակայքում բռնկված անտառային հրդեհների պատճառով տարիանվել է ավելի քան 2000 մարդ: Հրդեհաշիջման աշխատանքներին մասնակցում են հարյուրավոր մարդիկ, ուղղաթիռներ: Քաղաքի վրա «մոխրե անձրև» է տեղում: Հրդեհի պատճառը դեռ անհայտ է: Տուժածների մասին տեղեկություններ չկան:

ՊԵՏՔ Ե ԱՐԺԱՆԱԿՈՐ ԼԻՆԵՍ, ՈՐ ԿԱՐՈՂԱՆԱՍ ՄԱՐԴ ՓՐԿԵԼ

Հոգեվիճակը կատարած աշխատանքով է գնահատվում



բարձր կանչի հրդեհ էր, հնդիկ ուսանողների մասնաշենքեր էր այրվում: Եվ հրդեհն ենք մարել, և՛ մարդկանց կյանքեր փրկել: Նշում է, որ հրդեհը հրդեհ է, բայց քաղաքային և գյուղական համայնքների հրդեհների միջև տարբերություն կա, որ Արաբկիրում աշխատած տարիներին համեմատաբար էլքերը շատ էին, հատկապես կենցաղային կանչերը, իսկ Մասիսում հրդեհները սեզոնային են. «Հիմնականում խոտածածկ տարածքներ ու հնձած արտեր են բռնկվում հաճախ հենց մարդկանց միջամտությանը, երբ գյուղացին հնձից հետո հարդն է կրակի տալիս՝ արտը մաքրելու նպատակով, ինչն էլ անզգուշության հետևանքով տարածվում է՝ սպառնալով հարևան արտերին ու այգիներին: Հիմա ամառ է, և սկսվում է մեր թեժ ծառայության շրջանը: Թեժ՝ և կանչե-

րի հաճախակիության, և՛ հենց իրականացված աշխատանքի առումով»: Իսկ Մասիսում արդեն մեկ տարվա ընթացքում շուրջ 110 հրդեհաշիջման աշխատանքների է մասնակցել, 20-ի էլ հասնող ճանապարհատրանսպորտային պատահարների: Եթե ջրկատի տղաներն իրար փոխարինելով՝ հեղափոխի օրերին են ծառայություն իրականացնում, ապա հրամանատարն ու տեղակալը նույն ամսում են ամեն աղետի ու պատահարի դեպքում: Աշխատանքային ժամերի սկիզբն ու ավարտը հարաբերական սահմանում է, նկատում է փ/ծ մայրը Ստեփանյանը, իրականում ծառայությունը շուրջօրյա է, աշխատանքից դուրս ժամերին անընդհատ ակամաջ սպասում է կանչի. «Աշխատանքից դուրս՝ փշերի վրա ենք, թե հիմա-հիմա գանգ

ճանապարհատրանսպորտային պատահարների վայր մեկնելու հավանականությունը կա: Որևէ ժամանցի կամ հաճելի առիթով լիարժեք զգացողությունը միշտ վերապահումով է տրվում, քանի որ նրանց լիարժեքությունն ամբողջացնում է միայն ծառայության մեջ, որի սկիզբն ու վերջը հարաբերական է, ամեն վայրկյան հավանականությունն է ռեալ: Հենց մեր գրույցի ժամանակ էր, նոր էինք խոսքը սկսել, երբ ահազանգ հնչեց, թե շրջանի համայնքներից մեկում հրդեհ է բռնկվել: Հրամանատարի տեղակալը նոր էր սուրճ դրել և չէր էլ հասցրել կում անել, այդպես էլ թողեց սեղանին ու հերթափոխի հետ մեկնեց դեպքի վայր: Մինչև վերադարձով, արդեն սուրճը սառել էր: «Երբ ահազանգ ենք ստանում, ամեն ինչ մոռանում ենք: Ես ինձ չեմ պատկերացնում թշալի անցած հրշեջ-փրկարար, բանի ուժ կա՞ աշխատելու են: Ես ինձ հանգիստ եմ զգում, որ գոնե մեկ մարդու կյանք եմ փրկել, օգնել եմ մարդկանց, հենց այնպես աշխարհ չեմ եկել», - ասում է հրամանատարի տեղակալ, փ/ծ մայր Արտյոն Ստեփանյանը:

Իսկ Մասիսի ՀՓՁ հրամանատար, փ/ծ մայր Բագրատ Դանիելյանը գործընկերոջը բնորոշում է որպես երկարամյա ճանապարհ անցած փորձառու սպայի, որի ներկայությունը ջրկատում և վստահություն է, և աշխատանքի լիարժեք կազմակերպում. «Արտյոն Ստեփանյանի հետ ընդամենը մեկ տարի ենք աշխատում, բայց այդ ժամանակն էլ բավական է, որպեսզի ճանաչենք և վստահենք նրան և՛ որպես մարդու, և՛ որպես սպայի: Մեր ջրկատը մի ընտանիք է, որտեղ մեծ դերակատարություն ունի հրամանատարի տեղակալ Ստեփանյանը»:

Ֆելիքս ԵՂԻԱՋԱՐՅԱՆ

Ուսումնազարգացում

վարժանքին մասնակցում էին նաև Հիրակի մարզպետարանի աշխատակիցները, ոստիկանական ուժերը, Ախուրյան, Արևիկ, Գետք, Դարիբջանյան, Ազատան համայնքների ներկայացուցիչները, ԱԻՆ-ի հիդրոտեխնիկական կայանի աշխատակիցները, «ԱրմենՏել» փակ բաժնետիրական ընկերության հյուսիսային տարածքային կենտրոնի, «Գազպրոմ Արմենիա» ՓԲ ընկերության Հիրակի գազիֆիկացման գազամատակարարման մասնաճյուղի և այլ շահագրգիռ կազմակերպությունների անդամներ: Հրամանատարաշտաբային վարժանքն անցկացվել է 3 փուլով, որից երկուսը տեսական բնույթ էր կրում, իսկ մյուսը՝ գործնական: Առաջին փուլի ժամանակ ստեղծված արտակարգ իրավիճակից ելնելով՝ շտաբ խորհրդակցություն է հրավիրվում Հիրակի մարզպետարանում, մարզային փրկարարական վարչությունը հեռուստատեսությամբ և ռադիոյով կազմակերպում է հավանական ջրածածկման գոտում հայտնվող բնակչության վարվելակերպի կանոնների իրագրություն, մարզային ԱԻ

հանձնաժողովի կողմից ճշգրտվում են տարիանվողների տեղաբաշխման և կենսապահովման հաշվարկները: Գործողության մեջ է դրվում «Ջրամբարի պատվարի փլուզման սպառնալիքի և փլուզման դեպքում մարզի բնակչության պաշտպանության պլանը», կազմակերպվում ջրածածկման գոտու բնակչության տարահաման, գյուղատնտեսական կենդանիների տեղափոխման, նյութական արժեքների դուրս բերման միջոցառումները: Իսկ երկրորդ փուլի ժամանակ քննարկվում էր որոնողափրկարարական, անհետածզելի վթարավերականգնողական աշխատանքների և տուժած բնակչության կենսապահովման միջոցառումների կազմակերպման վերաբերյալ հարցեր: Սցենարի համաձայն՝ ջրհեղեղի հետևանքով Կառնուտի ջրամբարի պատվարը փլուզվել է, ջրածածկ են եղել Ախուրյան, Արևիկ, Ազատան, Դարիբջանյան և Գետք համայնքները, վնասվել են էներգամատակարարման, ջրամատակարարման, գազամատակարարման համակարգերը, ջրով ողողվել բնակելի տներ, գյուղատնտեսության կամուրջներ, ճանապարհներ և ցանքատարածքներ և այլ ին-



ժեներական կառույցներ, բռնկվել է հրդեհ: Երրորդ փուլով՝ ուսումնազարգացման ժամանակ՝ Ախուրյան և Արևիկ համայնքներում իրականացված գործնական միջոցառումների ժամանակ հրշեջ-փրկարարները ռիսկային գոտում գտնվող Ախուրյան համայնքի մանկապարտեզից տարահանել են երեխաներին, ապա դուրս բերել աշխատակազմը, նրանց տրանսպորտային միջոցներով բարեհաջող տեղափոխել անվտանգ տարածք: Հրշեջ-փրկարարները կատարել են հրդեհաշիջման աշխատանքներ, այնուհետև փլատակների տակից հանել տուժած բնակիչին, ինչպես նաև մեքենայից դուրս բերել արգելափակված քաղաքացուն... Արևիկ համայնքում տարահանվել են բնակիչ-

Մերի ՍՈՐՈՍՈՆՅԱՆ



Արտակարգ ծառայություններ

Ասել է թե՛ հենց մեր քաղաքակրթությունը, որը է՛ն գլխից սպառումի քաղաքակրթություն է եղել... Եթե մեր ենթադրությունը հանկարծ ու ճիշտ է, ապա ապրելը սպառել էր նշանակելու, և մարդը մի օր սպառելու էր իր միջավայրը, իր զգացումներն ու պատկերացումները, իր մտանքներին ու իրեն: ...Փառք Աստծո, այս ամբողջ շարադրանքը ենթադրություն է միայն, որի նպատակը հենց ենթադրության գծած վտանգավոր պատկերներից խույս տալն է՝ իրականության մեջ:

Ավագ ԵՓՐԵՍՅԱԼ

ԱՆԽՏՐԱԿԱՆ

ՓՈՐՁ



Եթե Լեզուների հառնակման պատմությունը (Բաբելոնի աշտարակաշինություն) փորձենք իբրև փոխաբերություն ընկալել (թեպետ, կարծես թե, մեկ անգամ արդեն փոխաբերվել է այնպես, որ այլևս դժվարությամբ է տեսնվում բուն փաստը), ապա կարելի կլինի բոլոր ժամանակներում, այսինքն՝ միշտ, դիտարկել ՆՄԱՆ ՄԻ ԲԱՆ: Չէ՞ որ միմյանց չհասկանալը այս կամ այն չափով նույն հառնակությունն է: Ասել է թե՛ հենց մեր քաղաքակրթությունը, որը է՛ն գլխից սպառումի քաղաքակրթություն է եղել... Եթե մեր ենթադրությունը հանկարծ ու ճիշտ է, ապա ապրելը սպառել էր նշանակելու, և մարդը մի օր սպառելու էր իր միջավայրը, իր զգացումներն ու պատկերացումները, իր նմաններին ու իրեն: Այնպես էր սպառելու, որ վերականգնելու ոչ մի հույս չէր տեսնելու, թեպետ ի՞նչ հույսի մասին էր լինելու խոսքը, երբ վերականգնումի խնդիր դրված չէր լինելու առհասարակ, և սպառման հսկա մեխա-

նիզը վայրկյան անգամ չէր կարողանալու կանգնել... Ենթադրենք, թե մարդուց ինչ-որ բան է սպասվում. ի՞նչ... Սպասողները կիմանան: Մյուս կողմից էլ՝ հանգիստ չէր տալու մութ մի հարց՝ իսկ ի՞նչ է սպասում հայրն իր զավակից: Ենթադրենք, թե ամենամեծ կորուստը մահն է, ամենաչանվանված նվաճումը՝ անմահությունը: Ենթադրենք, թե այդպես էլ կա. նույն «արատավոր» կամ, եթե կուզեք՝ «անարատ», շրջանն է... Անմահին ի՞նչ երազանք, ի՞նչ կորուստներ, ի՞նչ սխալակամություն... Անմահն իր սխալակամությունն ինչպե՞ս պիտի զգա, ենթադրենք, թե մահն է, որ ցուցանում է սխալակամությունը, մահն է նաև, ուրեմն, այն միակ ուժը, որ ունակ է ճշմարտությունը ցուցանելու... Մի՞թե այստեղ է թաքնված Սիրազան Գաղտնիքը՝ Մահկանացուների «Օգնությանը՝ Փորձով» Տեսնել Ամբողջ ճշմարտու-

թյունը... Նման է. նման է հոր ու զավակի հարաբերության, բայց չափումներն են տիեզերական, երկրային չեն: ...Ենթադրենք, թե մարդը «չհասկացավ» սա, ենթադրենք, թե չէր էլ կարող, Յուզը չէր թողնելու... Մի դուռ չէր բացվել, անմահության դռնից մարդն այդպես էլ չմտավ: Յիշում էր: Դա միակ բանն է, որ մարդը հիշում է, ու սկսվեց... - Այլ ճշմարտություն, հավերժություն-անմահությունից բացի, գոյություն չունի, - ասաց մարդը: Երբեք ու Ոչ Մի Տեղ գոյություն չի ունեցել: Ասաց ու սկսեց փնտրել ամենուր՝ առանց խտրության, ամեն կերպ առանց խտրության: Ենթադրենք, թե մարդու ոչ տեղն էր անսահմանափակ, ոչ հնարավորությունը. ամեն ինչ եկավ ու հանգեց Պատերազմին, մարդու պատմությունը, դեռ չսկսված, վերածվեց մարդու Պատերազմների Պատմության: Ոչինչ, որ մեզ այլ բան են սովորեցրել, իրականում տեղի ունեցածի էությունն այլևս մի մեծ գաղտնիք էլ չէ. հազարամյակներ շարունակ մարդիկ միմյանց ոտնատակ են տվել հանուն միմիայն մեկ բանի՝ անմահության... Մի ձեռք, մի գործը ձեռք շրջել է դրա մասին պատմող բոլոր էջերը, գրքի մեջ մտցրել ուրիշ էջեր՝ դրանով ստիպելով, որ հիշողությունն այլ բան հիշի: Այդ ուրիշ բանի հետևից ինքնամոռաց ընթանալով՝ գողը գողացել է, շնացողը՝ շնացել, սուրբը սրբացել (Նոր Կտակարանն է ասում)՝ հստակ չգիտակցելով էլ, որ ամեն ինչ արվում է հանուն կորուսյալ անմահության... Սա առավել քան ենթադրություն է... Փառք Աստծո, այս ամբողջ շարադրանքը ենթադրություն է միայն, որի նպատակը հենց ենթադրության գծած վտանգավոր պատկերներից խույս տալն է՝ իրականության մեջ: ■



Եթե խառնակվեցին լեզուները (տես՝ Յին Կտակարանը), ապա խառնակվեց նաև հիշողությունը. մարդն իր «անմահությունը» լիովին մոռացած, սկսեց այդ «ինչ-որ բանը» որոնել ամեն ինչում. մեկը՝ փողի, մյուսն՝ ուրիշի ունեցվածքի, երրորդը՝ սիրո մեջ ու այդպես շարունակ... Իհարկե, չէր գտնելու, և, իհարկե, երկարելու էր շղթան մինչև անիմաստություն, մինչև անմտություն, մինչև անհեթեթություն, մինչև այն հեռավոր ժամանակները, երբ կապառվեց մարդուն հասանելի տարածությունն ու ժամանակը, և մարդն ականազանգից այնպիսի մի դուռ բացելու անհրաժեշտության առջև՝ ինքն իր միակ իրական տեսիլ հետ ձեռք ձեռքի տված, դասական ողբերգությունների ոգով՝ վեհ ու միայնակ... Չստակ չիմանալով նույնիսկ, թե ինչ կա այդ անծանոթ դռների հետևում... ■

Ա. Ե.

ՀԱՅՏԱՐԱՐՈՒԹՅՈՒՆ

ՀՀ արտակարգ իրավիճակների նախարարությունը (այսուհետ՝ Նախարարություն) հայտարարում է մրցույթ՝ Նախարարության աշխատակազմում քաղաքացիական ծառայության հետևյալ թափուր պաշտոնը զբաղեցնելու մասին

1. Փրկարար ծառայության (այսուհետ՝ Ծառայություն) Լոռու մարզային փրկարարական վարչության (այսուհետ՝ Վարչություն) բնակչության պաշտպանության բաժնի (այսուհետ՝ Բաժին) գլխավոր մասնագետ (ծածկագիր՝ 21-3.1-56)
Բաժնի պետի հանձնարարությամբ մասնակցում է մարզի տարածքում արտակարգ իրավիճակներում բնակչության պաշտպանության և քաղաքացիական պաշտպանության բնագավառներին առնչվող մարզպետի համապատասխան որոշման նախագծերի մշակման և սահմանված կարգով ներկայացման հաստատման աշխատանքներին, մասնակցում է մարզի տարածքում արտակարգ իրավիճակների հետևանքների կանխման, դրանց հնարավոր հետևանքների նվազեցման և վերացման, արտակարգ իրավիճակներում բնակչության պաշտպանության և քաղաքացիական պաշտպանության պլանների և ծրագրերի մշակման աշխատանքներին: Իրականացնում է մարզի տարածքում ճառագայթային, քիմիական և մանրէաբանական իրավիճակի վերաբերյալ տվյալների հավաքման և վերլուծության աշխատանքները, մասնակցում է պետական կառավարման մար-

մինների տարածքային ստորաբաժանումների և տեղական ինքնակառավարման մարմինների, կազմակերպությունների և բնակչության ուսուցման աշխատանքներին՝ քաղաքացիական պաշտպանության և արտակարգ իրավիճակներում բնակչության պաշտպանությանն առնչվող հիմնահարցերով:
Իրականացնում է պաշտոնի անձնագրով սահմանված այլ լիազորություններ:
Մրցույթը կկայանա 03.08.2017 թ., ժամը 10:00-ին, ՀՀ արտակարգ իրավիճակների նախարարության շենքում (ք. Երևան, Դավիթաշեն, 4-րդ թաղամաս, Ա. Միկոյան 109/8):
Նշված թափուր պաշտոնը զբաղեցնելու համար նաև պահանջվում է՝
• բարձրագույն կրթություն, քաղաքացիական ծառայության պաշտոններում, կամ համայնքային ծառայության պաշտոններում առնվազն մեկ տարվա ստաժ, կամ վերջին հինգ տարվա ընթացքում քաղաքական, կամ հայեցողական, բացառությամբ Հայաստանի Հանրապետության համայնքների ղեկավարների տեղակալների, խորհրդակցանքների, մամուլի քարտուղարների, օգնականների և ռեֆերենտների պաշ-

տոնների, կամ քաղաքացիական պաշտոններում առնվազն մեկ տարվա աշխատանքային ստաժ, կամ առնվազն երկու տարվա մասնագիտական աշխատանքային ստաժ, կամ մինչև 2020 թվականի հունվարի 1-ը պետական կառավարման ոլորտի առնվազն մեկ տարվա աշխատանքային ստաժ,
• նշված պաշտոնների անձնագրերի 10-րդ կետի 2) ենթակետում նշված լիազորությունների հետ կապված իրավական ակտերի անհրաժեշտ իմացություն, ինչպես նաև տրամաբանելու, տարբեր իրավիճակներում կողմնորոշվելու ունակություն, անհրաժեշտ տեղեկատվության տիրապետում,
• համակարգչով և ժամանակակից այլ տեխնիկական միջոցներով աշխատելու ունակություն,
• անհրաժեշտ (պարտադիր) կառավարչական հմտությունների և ունակությունների, ինչպես նաև նշված պաշտոնների անձնագրերով նախատեսված գործառնություններից բխող կառավարչական հմտությունների և ունակությունների տիրապետում (Ցանկեր N 1-2):
Դիմող ՀՀ քաղաքացիները Նախարարություն պետք է ներկայացնեն հետևյալ փաստաթղթերը (բնօրինակների հետ միասին)՝



- գրավոր դիմում (ծևր լրացվում է փաստաթղթերը ներկայացնելիս),
- կրթությունը հավաստող պետական նմուշի փաստաթղթի (փաստաթղթերի) պատճենը (պատճենները),
- աշխատանքային գրքույկի պատճենը,
- արական սեռի անձինք՝ նաև զինվորական գրքույկի կամ դրան փոխարինող ժամանակավոր գրքույկի տեղամասին կցագրման վկայականի պատճենը՝ բնօրինակի հետ միասին, կամ համապատասխան տեղեկանքը,
- մեկ լուսանկար՝ 3 x 4 սմ չափի,
- անձնագրի պատճենը:

Փաստաթղթերն ընդունվում են միայն աշխատանքային օրերին՝ ժամը 9:30-ից մինչև 12:30-ը:
Դիմող ՀՀ քաղաքացիները մրցույթի պետք է ներկայանան ՀՀ անձնագրով:
Դիմումների ընդունման վերջին ժամկետն է՝ 14.07.2017 թ.:
ՀՀ քաղաքացիները ՀՀ արտակարգ իրավիճակների նախարարության աշխատակազմում քաղաքացիական ծառայության թափուր պաշտոն զբաղեցնելու համար կարող են դիմել Նախարարության աշխատակազմ (ք. Երևան, Դավիթաշեն, 4-րդ թաղամաս, Ա. Միկոյան 109/8, հեռ. 010 31-78-30):




Հաջորդ համարում

Հունիսի 30-ին ՀՀ ԱԻՆ-ում տեղի կունենա ՀՀ ԱԻՆ ճգնաժամային կառավարման պետական ակադեմիայի 2016-2017 ուստարվա շրջանավարտների դիպլոմների հանձնումը: Նույն օրը Աժ պաշտպանության եւ անվտանգության հարցերի ու ֆինանսավարկային եւ բյուջետային հարցերի մշտական հանձնաժողովների համատեղ նիստում կլսվի ՀՀ 2016-ի պետական բյուջեի կատարման մասին տարեկան հաշվետվության ԱԻՆ-ի մասը: Տես՝ մեր թերթի հաջորդ համարը:

Արտակարգ իրավիճակների բազմազանությունը և բժշկական հետևանքների նշանակալից հնարավոր մասշտաբները թելադրում են դրանց նախագուշացման և վերացման համար մշտապես պատրաստ պահել արտակարգ իրավիճակների բժշկության (աղետների բժշկության) ազգային համակարգը: Տարածաշրջանում վտանգավոր երկրաբանական, մթնոլորտային երևույթների, ինչպես նաև տեխնածին աղետների հնարավոր դրսևորումները կարող են հանգեցնել աղետային՝ սանիտարահիգիենիկ, էպիդեմիոլոգիական իրավիճակների, որոնք ուղեկցվում են մարդկանց առողջությանը սպառնացող վտանգներով, իսկ դրանց վերացման անհրաժեշտությունը պահանջում է բժշկական օգնության ցուցաբերում որպես պետության պարտականությունը քաղաքացիների նկատմամբ: Այդ պատճառով մարդկանց առողջությանը սպառնացող վտանգները, ինչպես նաև արագ և որակյալ բուժօգնություն ցուցաբերելու, սանիտարաէպիդեմիոլոգիական իրավիճակները կառավարելի և նրանց հետևանքները շուտափույթ վերացնելու համար երևանի պետական բժշկական համալսարանի Ռազմաբժշկական ֆակուլտետի արտակարգ իրավիճակների բժշկության և ռազմական թունաբանության ամբիոնում ուսումնասիրում է արտակարգ իրավիճակների տեխնածին վթարների և անտրոպոգեն կոնֆլիկտների բժշկասոցիալական հետևանքները՝ դրանց նախագուշացման և վերացման համար անհրաժեշտ սկզբունքներ մշակելու նպատակով: Գիտական հետազոտություններն ընդգրկում են մեր երկրում տեխնածին և անտրոպոգեն աղետների բուժապահովման և ռազմական թունաբանության մի շարք հիմնախնդիրները: Ամբիոնում արտակարգ իրավիճակների բժշկություն առարկան դասավանդվում է 1994-ից: 2008-ին առանձնացվել է որպես ինքնուրույն ցիկլ: Իսկ ամբիոն է դարձել 2013-ից: Առայսօր այն ղեկավարում է բժշկական գիտությունների թեկնածու, դոցենտ, բժ փոխգնդապետ Աշխեն Խաչատրյանը: Ամբիոնի գիտական հիմնական ուղղություններն են՝

- հնարավոր աղետների բժշկասանիտարական հետևանքների ուսումնասիրումը և օպերատիվ կանխատեսման մեթոդների հիմնավորումը,
- աղետների բժշկասանիտարական հետևանքների վերացման անհրաժեշտ ուժերի և միջոցների պահանջների հիմնավորումը: Արտակարգ իրավիճակի տարածք ժամանած շտապօգնության և փրկարարների բազայի վրա ստեղծված խմբերի կողմից ներկայացված տեղեկատվության հիման վրա աղետի ծավալի որոշում և լրիվ մասշտաբով բուժօգնության կազմակերպում,
- աղետների ժամանակ բժշկասանիտարական ապահովման կազմակերպման օպերատիվ տարբերակի հիմնավորումը: Կարևորագույն գիտական խնդիր է բուժօգնության ցուցաբերման և արտակարգ իրավիճակների, արհավիրքների, կոնֆլիկտների տարածքից տուժածների բժշկական

ՀԱՄԱԳՈՐԾԱԿՑՈՒԹՅՈՒՆ ՌԱԶՄԱԲԺՇԿԱԿԱՆ ԳԱԿՈՒԼՏԵՏԻ ՀԵՏ



տարհանման միջոցառումների կառավարման օպերատիվ կազմակերպական և ռազմավարական հիմունքների մշակումը, ինչպես նաև ռազմավարական պլանավորումը՝ հիմնված արտակարգ իրավիճակների հնարավոր մասշտաբների ու տեղանքի կանխատեսման և տուժածների խմբերի տարհանման երթուղայնացման և նրանց բուժաստատություններ հասցնելու խնդիրների լուծման վրա,

- արտակարգ իրավիճակների բժշկագիտության և ռազմական թունաբանության գիտական, կազմակերպչական, մեթոդական հիմքերի և նրանց պատրաստվածության աստիճանի բարձրացման մշակումը, ըստ որի՝ ծառայության ուժերի և միջոցների բավարար ապահովվածությունը բխում է բնակչության սանիտարական կորուստների կանխորոշման վատթարագույն տարբերակից և արտակարգ իրավիճակների դիպլոմների հանձնումը: Նույն օրը Աժ պաշտպանության եւ անվտանգության հարցերի ու ֆինանսավարկային եւ բյուջետային հարցերի մշտական հանձնաժողովների համատեղ նիստում կլսվի ՀՀ 2016-ի պետական բյուջեի կատարման մասին տարեկան հաշվետվության ԱԻՆ-ի մասը: Տես՝ մեր թերթի հաջորդ համարը:

րի կանխորոշման վատթարագույն տարբերակների և տարածքի առողջապահության իրական հնարավորությունների գիտահիմնավորված մեծությունից: Բժշկական ուժերի և միջոցների պահանջարկի և արտակարգ բուժօգնության ծավալի չափի որոշման համար ճշգրիտ տեղեկատվության մեթոդիկայի մշակումը աղետի մասշտաբների, ակտիվարող գործոնի բնույթի, տուժածների կողմնորոշիչ թվի, հաղորդման և տարհանման ճանապարհների հասանելիության վերաբերյալ,

- արտակարգ իրավիճակների բժշկության կառուցվածքային կազմակերպման, վարչարարության մեթոդների և կատարելագործման հիմքերի մշակումը,
- առողջապահական համակարգի աշխատողներին հետբուժական արտակարգ իրավիճակների բժշկության և ռազմական թունաբանության հիմունքների ուսուցման, վերապատրաստման դասընթացների կազմակերպումն ու անցկացումը,
- արտակարգ իրավիճակների բժշկության և ռազմական թունաբանության մեթոդական ձեռնարկների մշակումն ու հրատարակումը,
- արտակարգ իրավիճակների բժշկության և ռազմական թունաբանության փորձի ուսումնասիրումն ու վերլուծությունը:

Աշխեն Խաչատրյանը կարևորում է համագործակցությունը ՀՀ ԱԻՆ-ի «Աղետների բժշկության տարածաշրջանային կենտրոնի» հետ՝ հատկապես գիտական, գործնական և մեթոդական ոլորտներում: Ի դեպ, Աշխեն Խաչատրյանը վերջերս է մասնակցել ՀՀ ԱԻՆ ճգնաժամային կառավարման պետական ակադեմիայի դեկավար կազմի որակավորման բարձրացման ֆակուլտետում անցկացվող հատուկ դասընթացին և մշում էր այն բարձր ուսումնամեթոդական մակարդակը, որն առկա էր ուսուցման ողջ ընթացքում:

Ֆակուլտետի պետ, բժ գնդապետ,

բժշկական գիտությունների դոկտոր, պրոֆեսոր Սամվել Գալստյանը հաղորդեց, որ նախատեսվում է ՀՀ ԱԻՆ փրկարար ծառայության անձնակազմի ուսուցում ռազմաբժշկական ֆակուլտետում մի քանի ուղղություններով, հատկապես՝ առաջին բուժօգնության և ռազմական թունաբանության:

Փրկարարների հետ պարապմունքներ կանցկացնեն ամբիոնի փորձառու դասախոսները: Կօզտագործվի ֆակուլտետի հարուստ լսարանային և համալսարանի սիմուլյացիոն կենտրոնի ժամանակակից գիտատեխնիկական և գործնական բազան: Կենտրոնի 16 սրահները համարված են համապատասխան մուլտիմեդիա, շարժասարքերով և կրթական ծրագրեր պարունակող համակարգիչներով: Գործնական հմտությունների ձեռք բերման համար ներդրված են ոչ միայն համալսարանում ավանդաբար կիրառվող մուլտիմեդիա, անատոմիական մոդելներ, օրգանների և օրգան-համակարգերի ֆանտոմներ (իրականության 1-2 մակարդակներ), այլև իրականության 3-4-րդ մակարդակների տուփային և տեսավարժասարքեր, վիրտուալ և հիբրիդային սիմուլյատորներ, ինտերակտիվ էլեկտրոնային ձեռնարկներ և այլն: Ընդ որում՝ 3-րդ մակարդակի ֆանտոմներն ու մանեկենները համարված են ինքնագնահատող համակարգով (էլեկտրոնային մանեկեն), իսկ 4-րդը՝ նաև ավտոմատացված ստանդարտ ռեակցիաների հնարավորությունով (տեսասարքավորումների կիրառմամբ՝ համակարգային մանեկեն): Կենտրոնում կիրառվելու են փրկարարների առաջին բուժօգնության գործնական հմտությունները ստուգելու քննական նոր մեխանիզմներ:

Արայիկ ԳԱՄՍՐՅԱՆ
ՀՀ ԱԻՆ ԵԿՊՈՒ ղեկավար կազմի որակավորման բարձրացման ֆակուլտետի դասախոս, փ/ծ փոխգնդապետ

Եվս երկու դասընթաց

Այս շաբաթ վերապատրաստման հերթական դասընթացներ էին կազմակերպել ԱԻՆ ճգնաժամային կառավարման պետական ակադեմիայի ղեկավար կազմի որակավորման բարձրացման ֆակուլտետի մասնագետները: Համայնքների և կազմակերպությունների քաղաքացիական պաշտպանության պետերի համար՝ ԵԿՊՈՒ-ում, երևանի մետրոպոլիտենի ղեկավար կազմի համար՝ արտագնա մետրոպոլիտենում: Դասընթացներին մասնակցել է մոտ 50 մարդ:

Ֆակուլտետի ղեկան Դավիթ Թադևոսյանն ու դասախոսներ Արայիկ Գասպարյանը, Գրիգոր Հակոբջանյանը, Աննա Հովհաննիսյանը, Թերեզ Դիլբարյանը, Վալերի Խոնդկարյանը բազմաթիվ թեմաներ են ներկայացրել. քաղաքացիական պաշտպանության կազմավորումների տեսակներ, կազմակերպական կառուցվածք և ապահովում, կապի և ազդարարման կազմակերպում, կապի ապահովման

կառուցվածքում անհետաձգելի վթարավերականգնողական աշխատանքների իրականացում, խոցման ժամանակակից միջոցներ, խոցման օջախներում փրկարարական և անհետաձգելի-վթարավերականգնողական աշխատանքներ, ճառագայթային պաշտպանություն, տեղանքի ճառագայթային աղտոտվածության պայմաններում փրկարարական և անհետաձգելի-վթարավերականգնողական կենսաբանական աղտոտվածության պայմաններում փրկարարական և անհետաձգելի-վթարավերականգնողական աշխատանքներ և այլն:

2017 թվականի սկզբից ԵԿՊՈՒ ղեկավար կազմի որակավորման բարձրացման ֆակուլտետն արդեն ավելի քան 50 դասընթաց է կազմակերպել, որոնցից 15-ը արտագնա (նաև մարզերում):





Մարդը կար և չկա

Մի սովորեցրեք տգետներին. նրանք ոչ միայն չեն հասկանա ու չեն գնահատի, այլև հաջորդ պահին կսկսեն ձեր սովորեցրածը ձեզ հրանցնել, որովհետև կմտածեն, որ իրենք արդեն ամենագետ են:

Օգնում են փրկարարները

Փրկարարները գտել են կորած քաղաքացուն

Անցած յոթ օրում ՀՀ արտակարգ իրավիճակների նախարարության փրկարար ծառայության ստորաբաժանումները արտակարգ իրավիճակների վերաբերյալ մոտ 400 ահազանգի են արձագանքել: Շատ դեպքերում փրկարարները դեպքի վայր մեկնելուց զուգահեռ տեղեկությունը փոխանցել են այլ ծառայության. շտապօգնություն, «Վեոլիաջուր», էլցանց, գազի վթարային ծառայություն, կանաչապատման, սանմաքրման ծառայություն, ոստիկանություն և այլն:

Գրանցվել է մոտ 60 հրդեհ. այրվել են տան գույք, շինությունների փայտյա կառուցատարրեր, շինանյութ, անասնակեր, բուսածածկ տարածքներ, ջերմահարվել են պտղատու և դեկորատիվ ծառեր:

Փակ դուռ բացելու վերաբերյալ էլ 130 կանչ է ստացվել: Վատառողջ, ծանրաբաշ, սակավաշարժ քաղաքացուն բնակարանից իջեցնելու կամ բնակարանում տեղից տեղ տեղափոխելու կանչեր են սպասարկել երևանի Արարիկի, Կենտրոնի, Էրեբունի, Աջափնյակ, Ավան, Նոր Նորք, Շենգավիթ վարչական շրջանների և Լոռու ու Սյունիքի փրկարարները: Տարբեր վայրերում արգելափակված (դիտահոր, վերելակի հորան, նկուղ, շենքի օդատար-ծխատար, մեքենայի շարժիչի տակ և այլն) մի շարք կենդանիներ են ազատվել: 6 օձ է հայտնաբերվել և տեղափոխվել անվտանգ տարածք: Բարձր ջերմաստիճանով պայմանավորված՝ հաճախակիացել են բուսածածկ տարածքների հրդեհները: Այս շաբաթ մեծ անձնախնայող հրդեհը գրանցվել է Սյունիքում



Մեղրիի օդանավակայանի մատուցներում: Հրշեջ-փրկարարներից 50 րոպե է պահանջվել հրդեհը մարելու համար: Այրվել է մոտ 10 հեկտար բուսածածկույթ: Հրդեհաչիջմանը մասնակցել է ազատ հեթափոխից 7 հրշեջ-փրկարար:

Այլ կանչեր. Դավիթաշենի փրկարարներն ահազանգ են ստացել, թե 4-րդ քաղաքացուն քաղաքացին բարձրացել է 3-հարկանի շինության տանիք և չի կարողանում իջնել: Հրշեջ-փրկարարները քաղաքացուն իջեցրել են շինության տանիքից:

Արագածոտնի փրկարարները կեսգիշերն անց ահազանգ են ստացել, թե Ոսկեհատ գյուղի մոտակայքում քաղաքացի է կորել: Ահազանգը ստանալուց մոտ մեկ ժամ անց հրշեջ-փրկարարները Ոսկեհատ գյուղի դաշտամիջյան հատվածում հայտնաբերել են 55-ամյա տղամարդուն:

Արմավիրի փրկարարներն ահազանգ են ստացել, թե Ջանֆիղա գյուղում վիրավոր արագիլ կա: Փրկարարները վիրավոր արագիլին տեղափոխել են Արմավիր քաղաքի կենդանաբանական այգի:

Արձակվել է 33 000 կրակոց

Անցած յոթ օրում ՀՀ արտակարգ իրավիճակների նախարարության «Հիդրո-օդերևութաբանության և մթնոլորտային երևույթների վրա ակտիվ ներգործության ծառայության» հակակարկտային կայաններից Լոռու, Արմավիրի, Արագածոտնի, Կոտայքի, Տավուշի մարզերի մոտ 60 համայնքի տարածքներում է ենթարկվել տարբեր կարգի կարկտավառագավոր 10 անգ, արձակվել է 33 000 կրակոց:


Ինճախիր և օգնիր

ԱՆՈՒՅՆ ՕՂՆՈՒՅՈՒՆ

Վարակներ. անմիջական շփում. կատաղություն

Կատաղությունը կենտրոնական նյարդային համակարգը ախտահարող տաքարյուն կենդանիների և մարդու վարակիչ հիվանդություն է և կարող է բերել մահվան: Հարուցիչը հիվանդ կենդանու թքի մեջ է և կարող է փոխանցվել միայն կծած կամ թքոտված վերքերով: Գաղտնի շրջանը՝ 10-90 (միջինը՝ 40) օր:

Կատաղության նշաններն են. լավացող, անզամ արդեն սպիացած վերքի շրջանի կարմրություն, այտուց, ցավ, քոր, ծակծկոցներ, ընդհանուր գրգռված վիճակ, չհիմնավորված անհանգստություն, անքնություն, կոկորդի մկանների ջղաձգում, հեղուկ խմելիս, հետագայում մեծ միայն ջրի տեսքից կամ ծայնից տեղի է ունենում կոկորդի մկանների կտրուկ կծկում, անզամ թեթև քամուց կոկորդի մկանների կտրուկ կծկում, շնչառության դժվարացում, ընդ-



հուլ՝ շնչառության կանգ, առատ թքազատություն, ագրեսիվության նույնացում, տեսողական և լսողական պատրանքներ:

Կատաղությունը կանխարգելելու համար մի մոտեցրեք կամ շոյեք անծանոթ, թափառող շների ու կատուներին, կասկածելի կենդանու կծելու դեպքում վերքը լվացեք հոսող ջրով ու օժանդով 5-10 րոպե, վերքը մշակելուց հետո տուժածին շտապ տեղափոխեք հիվանդանոց, որտեղ նա կստանա կատաղության դեմ շինուկ: Եթե տանը պահում եք որևէ ընտանի կենդանի, ապա նա պետք է ստանա բոլոր կանխարգելիչ պատվաստումները և գրանցված լինի անասնաբուժական ծառայությունում: ■

ՀՀ ԱՐՏԱԿԱՐԳ ԻՐԱՎԻՃԱԿՆԵՐԻ ՆԱԽԱՐԱՐՈՒԹՅԱՆ ԾՐԱԿԱՎԱՐՄԱՆ ԿԱՌԱՎԱՐՄԱՆ ՊԵՏԱԿԱՆ ԱԿՎԻԵՄԻԱ
www.cmsa.am

Հասցե. Երևան, Ավան, Աճառյան 1
Հեռ. (060) 69-10-01 (ռեկտոր)
(060) 69-10-03, (060) 69-10-05
(060) 69-10-06, (060) 69-10-13

ԱԿՎԻԵՄԻԱՆ ՀԱՅՏԱՐԱՐՈՒՄ Է 2017-2018 ՈՒՍՏԱՐՎԱ ԸՆԴՈՒՆԵԼՈՒԹՅՈՒՆ

Ակադեմիան իրականացնում է:

1. բակալավրի կրթական ծրագիր առկա ու հեռակա ուսուցմամբ,
2. մագիստրոսի կրթական ծրագիր միայն հեռակա ուսուցմամբ,
3. միջին մասնագիտական կրթական ծրագիր:

Ընդունելությունը.

- Բակալավրիատում՝
- Հայոց լեզու (թեյադրություն)
- Մագիստրատուրայում՝ հարցազրույց:

Մասնագիտություններ	Վարձը (հազ. դր.) առկա	Վարձը (հազ. դր.) հեռակա
Բակալավրի կրթական ծրագիր		
Հրդեհային պաշտպանություն	Անվճար	240
Փրկարարական գործ	Անվճար	240
Ճգնաժամային կառավարում	320	260
Կառավարում	320	260
Քաղաքացիական պաշտպանություն	300	240
Անվտանգությունն արտակարգ իրավիճակներում	300	240
Տրանսպորտային և հրշեջ փրկարար հատուկ տեխնիկայի շահագործում և սպասարկում	300	240
Հրդեհային անվտանգություն	300	-
Մագիստրոսի կրթական ծրագիր		
Փրկարարական գործ	-	320
Ճգնաժամային կառավարում	-	320
Կիրառական սեյսմոլոգիա	-	320
Միջին մասնագիտական կրթական ծրագիր		
Հրդեհային պաշտպանություն	150 90*	-
Հրշեջ-փրկարարական տեխնիկայի տեխնիկական սպասարկում և նորոգում	150 90*	-
Կառավարում արտակարգ իրավիճակներում	150 90*	-

Մանրություն.
*Նշված վճարով ուսուցումն իրականացվում է Ստեփանավան քաղաքում:

Միջին մասնագիտական կրթական ծրագրով գերազանց և լավ գնահատականներով շրջանավարտները կարող են առանց ընդունելության քննությունների ուսումը շարունակել ճգնաժամային կառավարման պետական ակադեմիայի բակալավրի կրթական ծրագրով 2-րդ կուրսում:

ԱՆՎՃԱՐ ՏԵՂԵՐ

Կառավարության 2017 թվականի ապրիլի 20-ի N 434-Ն որոշմամբ ՀՀ ԱԻՆ ճգնաժամային կառավարման պետական ակադեմիային հատկացվել է 60 անվճար տեղ առկա ուսուցմամբ «Հրդեհային պաշտպանություն» և «Փրկարարական գործ» մասնագիտությունների գծով, որից 5-ը տրամադրվել է Արցախի Հանրապետությանը:

ՀԵՌՈՒՄՏԱՄԱՐԱԹՈՆ. ԽԱՂԱԹԱՔՍՏՈՑՆԵՐ

Տավուշում 10 000 երեխա ապրում է կրակոցների տակ: «Պահապան» զարգացման հիմնադրամը նպատակ ունի կառուցել 15 խաղաքաքստոց-նմբապաստարան 15 սահմանափակ համայնքներում: Հունիսի 30-ին, ժամը 20:20-ին, Հանրայինի հեռուստատեսություն անցկացվելու է դրամահավաք-մարաթոն: Այս հանգանակությունն ուղղվելու է Բաղանիսում խաղաքաքստոց կառուցելուն: